

中西驗方新編

胃弱 Dyspepsie

異名 消化不良 脾胃虛

病解 胃弱者。爲胃液及胃蠕動之不完全。而致食物之消化不良也。故此病於胃之實質。毫無障害。人若患之。則精神沈鬱。頭部壓重。全身倦怠。食量減少。易至飽滿。心窩壓重膨脹。常覺微痛。時或胃部覺劇痛。發噯氣。吐酸液。嘈雜嘔吐。尤易誘發胃炎之症。

西藥驗方

一、芳香酒二克 苦酒二克 酒精八克

右混和。每食後服三十滴。

附注 芳香酒屬於芳香健胃劑。爲植物性藥之酒浸劑。以丁香二

分。桂皮十分。小豆蔻二分。各剉爲粗末。加剉截之薑根五分。冷浸於稀酒精百分中。五日後。用壓搾力濾過之。加枸橼酸五分。於胃弱症及慢性下痢。用之甚効。其用量每日服二克至四克。

苦酒爲最汎用之健胃藥。以橙皮五分。龍胆五分。小豆蔻粗末二分。冷浸於稀酒精百分中。五晝夜後。濾過之。爲澄明黃褐色之液。其用量每日○・四克至四克。

二、 菖蒲酒十克 鷄納酒十克 大黃酒四克

右每服十五滴。一日三回。食後用。

三、 龍膽酒三十二克 大黃酒十六克

右混和每食前服二十滴

四、 橙皮末四・八克 大黃末四克 重碳酸鈉四・八克

右爲藥粉。分十包。日服三包。

附注 近時賣藥之健胃劑。多配合重碳酸鈉於其中。遇胃之因輕度消化障害。而發吞酸嘈雜等症者。以之爲制酸劑。服之甚効。需用者多驚其効驗之顯著。然是當深加注意也。蓋各種胃之疾患。非必爲酸液過多所致。亦常有因胃酸之缺乏者。若遇此種疾患。而亦令之服重碳酸鈉之配合劑。則已欠缺之胃酸。愈益欠缺。其極至不可測。且於因溜飲嘈雜等消化不良所發。胃之酸液過多。用重碳酸鈉。雖暫時可奏制酸之効。大感爽快。然於中和酸液之際。致將胃消化作用重要之胃酸。亦併爲中和。而致欲治消化不良之結果。反爲誘起消化不良之原因矣。故應用重碳酸鈉以治胃疾患。當謹慎注意其適應症。及其用量。庶患者可勉種種之不幸也。

五、

當藥末四克 桂皮末四克 丁子末〇・四克 茴香末〇・四

克 薄荷油半滴

右爲藥粉十包。每食後服一包。

附注 健胃藥有苦味性者。有芳香性者。皆屬於植物性藥物。而甲則苦味劇甚。乙則有芳香氣而稍呈辛味。又有苦味甚劇而兼有芳香性者。是爲芳香性苦味藥。卽如龍膽草根。括矢亞木。規那皮。苦辛等。則屬於單純苦味藥。丁香。桂皮。胡椒。藿香。茴香。薄荷等。則爲芳香藥。而菖蒲根。橙皮。葛斯加里刺皮等。則爲芳香性苦味藥也。

六、

苦辛末二分 重碳酸鈉五分 胡椒末三釐

右爲粉藥四包。每日服三回。每服一包。

七、

化糖素二克 重碳酸鈉十克

右爲藥粉三十包。每食後服一包。日服三次。

八 括矢亞膏 *Extractum Quassiae* 1.1 克 蒲公英末 2 克

木香末 2 克 藿香末 2.8 克

右爲丸藥一百六十粒。分二日服。

九 括矢亞膏 4 克 硫酸鐵 2 克

右爲丸藥四十粒。日服三回。每服一丸。

十 龍膽膏 2 克 大黃末 2 克

右爲丸藥二十粒。日服三回。每服一丸至二丸。

十一 胃液素 10 克 白糖 40 克 桂末皮 4 克 達拉侃篤樹膠

Tragacantha. 適宜

右爲錠劑五十個。每食後服一二片。

十二 化糖素 2 克 胃液素 8 克 達拉侃篤樹膠 適宜

右爲錠劑六十個。每食後服二片。

附注 化糖素從麥芽或麥麴中製出。乃微黃白色之粉末。其作用與唾液中所含之化糖素相同。有消化澱粉性食物。變爲糖而溶解之効。故凡日常用澱粉性食餌者。及小兒之消化不良者用之。可去胃部之疼痛壓重膨滿。且可通利大便。有增進食思之効。向來用麥芽及麥麴爲消食劑者。卽因於此。

十三、水飴八克 牛膽膏○・四克

右混和。每日服三次。

中藥驗方

一、白豆蔻散 治脾胃虛弱。不進飲食。

白豆蔻仁 薑製厚朴 白朮 陳皮去白 甘草各等分

二、檳榔散 療吐酸水。

檳榔子十六分 茯苓八分 人參六分 橘皮六分

右五味搗篩爲散。

三、乾薑丸 療胸中寒熱。心痛。滿口清唾。屢屢惡心欲吐。食不消化。

乾薑 肉桂 礬石 半夏 蜀椒各等分

右蜜丸。每服一錢或二錢。

四、內消散 治過食寒硬之物。食傷太陰。或嘔吐痞滿脹痛等。

陳皮 半夏 茯苓 山查子 莪朮 山稜 砂仁 香附

神朮 乾薑 枳殼

右爲煎藥。

五、枳實大黃湯 治食積大便不通及腹痛。

枳實 厚朴 大黃 檳榔 甘草

右加水香爲煎藥。

六、快氣湯 治一切氣結。心腹脹滿。膈噎吞酸。嘔吐。及宿酒不食等。

砂仁 甘草 香附 各三錢二分 桔梗 陳皮 各一錢 生薑

右爲煎藥。

七、神保丸 治宿食不消。腹脇脹痛。

胡椒二錢半 蝎尾七枚 木香二錢半 巴豆去油二分半 右麪粉一兩和爲丸。以朱砂爲衣。每服五分或一錢。

八、消食清鬱湯 治嘈雜悶亂。惡心發熱。

陳皮 半夏 茯苓 山楂子 神朮 香附 川芎 麥芽 枳殼 山梔子 薑炒黃連 蒼朮 藿香 甘草 生薑 右水煎。

九、丁香半夏湯 治脾胃宿冷停痰。嘔吐吞酸。

陳皮 丁香 木香 人參 肉豆蔻各二分 藿香五分 半

夏三錢

右入薑水少許煎服。

十、清鬱二陳湯 治吞酸嘈雜酸水。

陳皮 半夏 茯苓 薑炒黃連 香附 山梔子各一錢 蒼

朮 川芎 枳殼各八分 神耑五分 芍藥七分 甘草三分

生薑

右水煎。

十一、順氣和中湯 治嘔吐反胃。嘈雜吞酸。痞悶噎膈。心腹刺痛。

鹽陳皮 香附 薑炒山梔子各一錢 茯苓 薑半夏各七分

炒砂仁 炙甘草各三分 薑製黃連六分 白朮七分 枳

殼五分 神耑六分 生薑

右長流水煎。

十二、參苓白朮散 治脾胃虛弱。飲食不進。嘔吐瀉利。

人參 茯苓 白朮 白扁豆 山茶各一錢 桔梗 蓮肉

薏苡仁 縮砂各七分 甘草五分

右十味水煎。

十三、香砂二陳湯

陳皮一錢五分 香附一錢五分 半夏六分 縮砂六分 神

耨六分 甘草六分

右加薑汁煎。

十四、枳實導滯丸 傷溫熱物不消化。痞滿不安者用之。

茯苓 白朮 黃芩 黃連各三錢 澤瀉一錢 大黃一兩

枳實 神耨各五錢

右糊丸。每服二錢。

十五 香連丹 治久鬱心胸痞痛。或嘈雜乾噎吞酸。

香附 黃連各四兩

右爲末。神麴煮糊丸。每服一錢。

攝生法

胃弱之原因。多因精神過勞。運動缺乏。或不攝生所致。又於貧血、衰弱、重病、及重病之恢復期、老人等。亦屢見之。而蠕動之不全。以安逸放侈之人爲多。胃液之變調。則多由過勞精神所致。是宜選良好之食物。爲適意之運動。避精神之過勞。用刺戟輕微之食餌。（生薑、芥子、山蕎菜等）及稀薄之酒。（如啤酒之味苦而酒精較少者）惟刺戟性食料。日常食之。則成習慣。而其效果漸至薄弱。故當注意勿成習慣爲要。

食傷 *Gastritis catarrhalis acuta*

異名 傷食 食滯 急性胃炎

病解 俗所謂食傷者。卽急性之胃炎。患之者嫌惡食物。常發惡心嘔吐。心下壓重。或感膨滿。如灼如刺。大便秘結。舌生白苔。唾液增多。食物無味。身體倦怠。頭重。眩暈。頭痛。心悸。厭執事務。噯氣吞酸。尤所難免。如斯症狀。經數日或二三期後。若諸症依然。或痊後不知攝生。則轉化爲慢性症也。

西藥驗方

一、芳香酒四克 薄荷油一滴

右爲藥水。一日分三次服。

二、稀鹽酸三十滴 苦酒六克

右爲藥水。每食後服十五滴。

附注 稀鹽酸以鹽酸一分。蒸餾水二分。混和而成。以之配伍於苦

酒胃液素等。可用於諸種胃病。以助食物之消化。又可供下痢及

患熱性病者之清涼飲料。可以止渴退熱。其用量每次自五滴至十五滴。

於胃組織之疾患。如胃潰瘍、胃癌等。及急性胃炎以後之消化不良。均忌用稀鹽酸。又禁與重碳酸鈉及鹽基類與金屬鹽類等配合也。

三、大黃末○·八克 重碳酸鈉二克 當藥○·八克 薄荷油二滴

右爲藥粉。一日分三次服。

四、重碳酸鈉二克 水楊酸鈉一克

右爲藥粉六包。每二小時服一包。

五、重碳酸鈉一克 來所魯清 *Resorcinum* (爲二水酸化偏蘇

爾之化合物)○·一克 乳糖一克

六、右爲藥粉一包。每二小時服一次。

次硝酸鉍二克 重碳酸鈉四克
右爲藥粉六包。一日分三次服之。

中藥驗方

一、保安丸 治積痞脹滿消瘦瘵熱。

薑汁泡山楂肉二兩 薑汁炒半夏 炒橘紅（便血用紅麴）

炒麥蘗去殼 茯苓 連翹 萊菔子 薑汁炒黃連各五錢

右爲末。水泛爲丸。每服二錢。清茶送。

二、越麴丸 統治六鬱。胸膈痞滿。吞酸嘔吐。飲食不消。

醋炒香附 泔浸炒蒼朮 撫芎 炒神糲 炒黑梔子 各等

分

右麵糊爲丸。每服二錢或三錢。

三 香砂二陳湯 治輕食傷

陳皮 香附各一錢半 茯苓一錢 半夏 縮砂 神糶 甘

草各六分

右薑煎。

四、 保和丸 凡傷食者均可用。惟傷冷食者宜稍斟酌。

山楂子二兩 神糶 半夏 茯苓各一兩 蘿蔔子 陳皮

連翹各五錢

右糊丸。每服三錢。

五、 左右丸 治食傷食滯。痞滿食積。

檳榔 陳皮 厚朴 莪朮 青皮 香附 神糶 山楂子

地膚子各十錢 麥芽七錢 蒼朮 縮砂 木香各五錢

右爲糊丸。每服三錢。

六、中正湯 治食傷吐逆不安。又理霍亂中熱陳舊宿食等。

半夏五分 白朮四分 藿香 橘皮 乾薑 厚朴 大黃各

三分 黃連二分 木香 甘草各一分

右十味煎服。

七、平胃散 治脾胃不化飲食不進及食滯等。

蒼朮二錢 厚朴 陳皮甘草各一錢

右四味加薑棗煎之。

攝生法 暴飲暴食。皆爲急性胃炎之原因。故食時宜加注意。勿過

多。勿過少。又於空腹及飢餓之際。尤不可濫恣飲食。如腐敗物、熱性物、

冷性物刺戟物等。（例如腐敗肉類、粗製酒類、酸敗牛乳、沸熱飲料、冰

雪、芥子、山蕎菜、蕃椒、胡椒等。）食餌均當忌之。

溜飲 *Gastritis catarrhalis chronica*